

Fundacion Rancho ta informa tocante actividadnan



ORANJESTAD – Den un comunicado di prensa, fundacion Rancho ta duna informacion tocante nan reciente actividadnan social-cultural. Tambe nan ta invita pueblo di Aruba pa participa di diferente manera.

Careda di boto miniatura
Desde aña 2010 fundacion Rancho ta organisa careda di boto miniatura cu ta atraí bishitantenan di tur bario. Hopi dushi ta pa wak con e publico ta disfruta di un dia canto di lama cu nan famianan. Hunto cu e practicanan cu ta prepara nan boto pa asina e bay awa.

Den e ultimo añanan interes den trahamento di boto a baha drasticamente. Desde cu Miniatuur Zeilboten Club no ta activo mas, menos careda di boto ta wordo organisa na Aruba. Aunke cu fundacion Rancho ta haciendo su esfuerso pa reconoce y proteha e ofishi di trahamento di boto pa e no bay perdi. Ta sumamente importante pa crea un team, di personanan activo, cu kier dedica nan tempo den e deporte y asina yuda traspasa informacion pa

e futuro generacion.

Con abo por yuda conserva boto miniatura?

- (Interesado) Bira un boluntario y forma parti di nos team, documenta y proteha boto miniatura.
- (Practicante) Sigui practica e ofishi, bira un facilitado, duna tayernan of comparti informacion.

Pa mas informacion por tuma contacto cu Clifford Rosa 562- 8352 of e-mail na info@stichtingrancho.org

Hanchinan den Rancho

Cu e proyecto Adopt an Alley, fundacion Rancho ta purba di duna e hanchinan den Rancho atencion. E funcion cu e hanchinan tin pa e bario di Rancho ta pa conecta cayanen cu otro. Den pasado hanchinan tabata uza e hanchinan pa yega na e mercadonan y Waf unda tabata bende fruta y berdura. Cu ayudo di algun hanchinantenan fundacion Rancho logra di a registra mas cu 30 hanchinan, cu avor ta cera pero den pasado tabata habri pa e comunidad. Awendia e hanchinan den Rancho ta descuida pa motibo di sushi, poco iluminacion y otro fac-

tornan.

Cu ponemento di borchin ta purba di informa publico tocante e gran balor historico-cultural cu cada hanchi tin pa e bario. Pero ta keda na e hanchinantenan di Rancho pa mantene e hanchinan limpi y den bon condicion pa na manera aki contribui na mehoracion di bo bario. Sin luidu cu e hanchinan por trece desaroyo economico pa nos hanchinantenan si nan wordo manteni manera debe ser. E efecto lo ta, cu mas y mas bishitante lo yega den e bario.

Rancho Walking Tour

Cera conoci cu Rancho, e bario mas bieu di Oranjestad. Pasa banda di Waf'i Rancho, unda piscadonan tabata trece pisca fresco for di lama. Compronde e impacto cu turismo a trece pa e bario di Rancho/Oranjestad. Bishita e Forno di Kalki, un monumento industrial unico! Pasa den e perlanan di Rancho, mira e tanki di awa y casnan di antaño.

Rancho, un bario yen di historia y herencia cu apenas a cuminsa muestra tur su secretonan.

Reserva bo tour awe mes via stichtingrancho@gmail.com

Buscando espacio creativo?

Centro di Actividad Rancho ta un centro unda actividadnan social-cultural ta wordo organisa.

CAR ta localisa su mes den Koningstraat 38, Rancho/Oranjestad. Si bo ta un artista, estudiante, of trahado social cu mester di espacio pa expone arte, ehecuta tayer/actividad of duna husiwerk-begeleiding? Trece bo idean-

an dilanti.

Tuma contacto Rancho awe mes via info@stichtingrancho.org of yama: 562-8352

Yuda nos conserva e historia y cultura. Bira boluntario!

Abo ta gusta traha cu hende y ta interesa den historia y cultura? Bira boluntario di nos fundacion! Traha un afspraak cu nos y sostene proyectonan social-cultural pa e bario di Rancho. Nos tin diferente tarea disponibel y varios proyectonan na caminda.

Tuma un bista riba www.org.aw. Yena 'fundacion Rancho' y haya sa cua trabou boluntario tin pa haci na nos fundacion. Nos ta warda riba bo reaccion!

Tempo pa Click: <https://www.facebook.com/tempopaclick/>
Centro di Actividad Rancho: <https://www.facebook.com/centrodiactividadrancho/>
Stichting Rancho: <https://www.facebook.com/stichtingrancho/>

